

Vuoddagat gávdnon Fállejogas, Álttá suohkanis



Informántta Jens Isaksen.

Čuldojuvvon dievdduvuotta, maid Ragnhild Isaksen, r. 1914, lea čuoldán. Seamma minstar lea adnon Reaššvuonas.


Livvi

 Vilges ulloláigi


Čuolddaláiggit ja vuodđoláiggit

 Čielga rukses ulloláigi 19 čuolddaláiggi
 Vilges 34 vuodđoláiggi

Suohppaga coggat njuikumii



Álgge coggat njuikuma guovddázis (G). Jus njuikuma bánít leat bárralogus, de njuikuma guovddáš lea sálvvis. De coggojuvvojit bajit oassi sálvviide, ja vuolit oassi bántneráiggiide. Jus njuikuma báníid lohku lea leaskalogus, de coggojuvvo nuppe ládje, bajit oassi ráiggiide ja vuolit oassi sálvviide.



Čuldojuvvon oassi vuoddagis lea 141 cm guhku ja 2,8–2,9 cm govddu. Vuoddaga obbalaš guhkkodat oktan barggešiin ja dihpiin lea 234 cm.

Geahči vuoddagis, maid bidjá gápmagiidda gitta, gohčoduvvo čottan. Dan ráhkada go čuoldaga geaži ruvdegoahtá gávcciin láiggiin. Ruvdejuvvon oassi lea 12 cm guhku, ja loahpahuvo čuolmmain. Čuolmmas leat geažit coggojuvvon ruvdejuvvon bátti mielde ja darvehuvvon gitta rukses ulloláiggiin, maid lea giessan birra. Dat gissojuvvon rukses láigegeažit leat ges gorrojuvvon gitta ruvdejuvvon bátti goabbat geahčen. Maiddái čuolbma lea mángga geardde gorrojuvvon čađat čađa. Čuolmma coggá gápmaga gavlla čađa go darveha vuoddagiid gápmagiidda.

Bárggeš, mii lea nuppe geahčen vuoddaga, lea njeljiin bárgiduvvon. Dat lea 76 cm guhku ja loahpahuvo dihpiin.



Álttá Sámi
Giellaguovddáš

